

# **UGOVOR**

## **o nabavci softvera za dokument menadžment**

### **Ugovorne strane:**

- 1. MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, Sarajevo, kojeg zastupa ministar Admir Katica (u daljem tekstu: Kupac)**
  
- 2. "ORKA" d.o.o. Sarajevo, ulica Mula Mustafe Bašeskije 6, Sarajevo kojeg zastupa direktor Nihad Salkić (u daljem tekstu: Prodavac)**

### **PREDMET UGOVORA**

#### **Član 1.**

Predmet ugovora je nabavka softvera za "dokument menadžment" za potrebe Ministarstva unutrašnjih poslova Kantona Sarajevo, nakon provedenog otvorenog postupka na osnovu Odluke broj 01-14-4-6540 od 22.11.20019. godine i Obavještenja o nabavci broj 1364-1-1-65-3-46/19 od 22.11.2019. godine.

Ponuda Prodavca broj P-19-0057 od 13.12.2019. godine čini sastavni dio ovog ugovora.

### **CIJENA**

#### **Član 2.**

Cijena za robu iz člana 1. ovog ugovora sa uključenim PDV-om iznosi 76.050,00 KM sa PDV-om. (sedamdesetšestiljadapedeset i 00/100).

### **NAČIN PLAĆANJA**

#### **Član 3.**

Kupac će Prodavcu izvršiti plaćanje ugovorene vrijednosti iz člana 2. ovog ugovora u roku od 15 dana od dana isporuke i dostavljanja fakture.

### **ROK ISPORUKE**

#### **Član 4.**

Prodavac se obavezuje da će isporuku izvršiti u roku od 30 dana od obostranog potpisivanja ugovora.

U slučaju kašnjenja u isporuci softvera do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručeni softver, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe.

Odabrani ponuđač je dužan platiti ugovorenu kaznu u roku od sedam dana od dana prijema zahtjeva za plaćanje od ugovornog organa.

### **GARANTNI ROK**

#### **Član 5.**

Prodavac daje garanciju na isporučeni softver od 12 mjeseci od dana isporuke.

Sve naknadne troškove nastale nakon isporuke, osim šteta koje izazovu operateri Kupca, ili koji nastanu njihovim uticajem, snosit će Prodavac i sve takve eventualne isporuke bit će za Kupca besplatne i isporučene.

#### Član 6.

Prodavac se obavezuje da će dostaviti bankovnu garanciju za izvršenje ugovora u iznosu 10% ugovorene vrijednosti, u roku od deset dana od dana obostranog potpisivanja ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti rok izvršenja ugovornih obaveza + 30 dana.

#### ODGOVORNOST I VIŠA SILA

#### Član 7.

Ugovorne strane su se sporazumjele da će sve eventualne sporove nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova konačno rješenje će donositi nadležni sud u BiH.

#### ZAVRŠNE ODREDBE

#### Član 8.

Ugovor stupa na snagu potpisivanjem ugovornih strana, a traje do realizacije ugovorene isporuke.

#### Član 9.

Ovaj ugovor sačinjen je u četiri istovjetna primjeraka, od kojih po dva primjerka zadržava svaka od ugovornih strana.

#### PRODAVAC

“ORKA” d.o.o. Sarajevo

\_\_\_\_\_  
direktor

Nihad Salkić

Datum: 31.12.2019

Broj: U-19-0060

#### KUPAC

MINISTARSTVO UNUTRAŠNJI POSLOVA  
KANTONA SARAJEVO

\_\_\_\_\_  
ministar

Admir Katica

Datum: 26.12.2019.

Broj: 01-14-4-6540-4